

清·李瀚章 编纂
清·李鸿章 校勘

第十二卷

曾国藩全集

中国致公出版社

曾国藩全集

(日记)

清·李瀚章 编纂

清·李鸿章 校勘

(第十二卷)

中国致公出版社

五 月

初一日

早飯後清理文件，習字一紙。立見之客三次。圍棋二局。將昨所作之詩用箋紙書寫一過，共三百字。坐見之客二次，立見者一次。小睡片刻。校王右丞五律畢。旋校孟襄陽五律，中飯後又校五十餘首。閱本日文件。申初二刻寫對聯十一付。酉初聽兒甥輩背書。酉正核批札稿簿畢。傍夕登樓眺覽，見署內搭涼篷五六處，自慚居處之優崇。默誦古詩頗多。小睡片刻。夜閱歐公七古，閱《何子貞詩集》。二更三點睡，三更後成寐。

初二日

早飯後清理文件。坐見之客二次，汪梅村談甚久。習字一紙。圍棋二局。又立見之客二次，坐見者一次。出門拜客，會者三家，午初歸。校對孟襄陽五律。中飯後閱本日文件，又閱校孟律粗畢。寫對聯七付。至後園眺覽。課兒甥輩背書。酉正核批稿各簿。傍夕閱《何子貞詩集》。小睡片刻。燈下又閱《子貞集》。二更溫杜、韓七古。三點睡，臨睡寫澄弟信，派輪船赴鄂迎接。

初三日

早飯後清理文件，習字一紙。圍棋二局。見客，坐見者二次，立見者二次。閱小說十餘頁，再將孟襄陽五律檢點一番，校杜牧之七律。小睡片刻。中飯（後）又校小杜七律，閱本日文件。天氣奇熱，鬱悶殊甚，不能治事。寫對聯七付，閱小說數頁。小睡片刻。至後園一覽。與幕府一談。核批稿各簿。夜太熱，不願治事，翻閱《曝書亭集》。接澄弟信，目下不能來金陵，改訂八月為期。余本擬節後派輪船赴鄂迎接，因恐其于閏月廿四業已起程，改于今早派船往迎，計已行數百里矣。二更三點睡。

初四日

早饭后清理文件，习字一纸。见客，立见者二次，坐见者二次，雷州举人陈乔森谈甚久。陈号逸山，许仙屏有书极赞其文行不群也。小睡半时许。已正移至后园新屋之内，阅校杜牧七律。午初，赵惠甫来久谈。中饭后阅本日文件。陈虎臣来一谈。改折稿一件、信稿二件。申正写对联六付、挂屏二页。酉初课儿甥背书。酉正核批稿簿。傍夕至后园亭与贞斋一谈。夜疲乏殊甚，不能治事。阅放翁七古，眼蒙，几不能辨字，老境颓然著矣。折弁归，接阅京信、京报。二更四点睡，通宵不甚成寐。

初五日

早间，谢绝贺节之客。饭后清理文件，习字一纸。围棋二局。立见之客二次。小睡颇久。已正至后园新屋内阅书，校小杜七律二十余首。中饭，与署中客黄子钧等及子侄辈小宴，未正三刻散。阅本日文件。坐见之客二次。申正二刻写对联、挂屏。酉初二刻课儿甥辈背书。酉正核批稿各簿。傍夕小睡。夜核信稿一件，二更后温姚选七律。三点睡，三更后成寐。

附记

○丁信、寄宁属密考簿 ○许、李等信

彭杏南谥忠壮，李祥和谥武壮

初六日

早饭后清理文件，习字一纸。围棋二局。坐见之客四次，谈均颇久。小睡片刻。已正至后园新屋一坐，阅杜牧之七律，校对粗毕，阅《李义山年谱》。中饭后阅本日文件，写澄侯弟信一件。申正写对联六付。酉初课儿甥辈背文。酉正写丁雨生信二页，核批稿各簿，未毕。傍夕与莼斋久谈。夜核稿毕。再将复雨生各信料理一番。将改复京信稿，而神气疲困，不能治事。二更后略诵古诗。三点睡，三更后成寐。雨又太大，深以为虑。

初七日

早饭后清理文件，习字一纸。见客，坐见者二次，立见者一次，闻潘伊卿在扬州病势甚重，悬系之至。小睡大半时，核片稿一件。已正，坐见之客二次，立见者一次。阅校李义山七律，仅批数首。中饭后阅本日文件，核信稿五件，约改五百字，疲乏殊甚。酉初课儿甥辈背书。酉正核批稿各簿。傍夕小睡。夜又补核批稿簿。明日派折弁进京，校对各折，谢恩折中有复字，酌改良久未妥。二更后朗朗衍一朗字诵杜诗七古。三点睡。

初八日

早饭后清理文件，习字一纸。围棋二局。坐见之客二次，立见者一次。拜发谢恩折行礼毕。又坐见之客一次，立见者一次。小睡片刻。批校李义山七律，中饭后止仅校四页。阅本日文件。申正写对联七付、挂屏一幅。酉初小睡片刻。酉正核批稿各簿。灯后核复贺节信稿，二更后粗毕。诵太白七古数首。四点睡。

初九日

早饭后清理文件，习字一纸。围棋二局。坐见之客二次。小睡半时。批校义山七律。中饭后阅本日文件。又小睡大半时。申正写对联六付，课儿甥辈背书。酉正核批稿各簿，未毕。灯后，又核批稿簿，疲乏殊甚。二更后温《古文·气势之属》，朗诵数首。三点睡。

初十日

早饭后，坐见之客二次，衙门期也。清理文件，习字一纸。立见之客二次，坐见者一次。小睡片刻。批校义山七律四页。中饭后阅本日文件。围棋二局。小睡片刻。写对联七付。惠甫来一谈，同至后园一览。酉初三刻课儿甥辈背书。酉正二刻核批稿各簿，未毕，灯下核毕，又核信稿一件。温杜诗五古，朗诵数首。二更三点睡，三更后成寐。昨夜大雨，直至本日午未间始息，深以岁事为忧。

十一日

早饭后清理文件，习字一纸。坐见之客三次，立见者一次。小睡片刻。巳正阅批李义山七律四页。中饭后阅本日文件。小睡片刻。至幕府一谈。申正写对联七付。酉初课儿甥辈背文。旋剃头一次。酉正三刻核批稿各簿，未毕，夜始核毕，又核信稿四件。二更后诵《羽猎》、《长杨赋》。三点睡。

十二日

早饭后清理文件，习字一纸。围棋二局。见客一次，谈颇久。小睡片刻。巳正批校义山七律五页，中饭后又校二页，义山诗校毕。阅本日文件。李小湖来一谈。申正写对联七付。酉初课儿甥辈背文。坐见之客一次。核批札稿簿。傍夕小睡。夜核信稿五件。二更后温太白七古。三点，在书房睡。

十二日

未明起，至关帝庙行祭生日礼毕，卯初二刻归。饭后清理文件，习字一纸。坐见之客三次。小睡片刻。围棋二局。阅元遗山诗、序例、年谱等。午刻，坐见之客一次。中饭后阅本日文件。小睡片刻。将《遗山年谱》节抄，约四百余字。酉初写对联六付。酉正核批稿各簿，未毕。夜核各簿毕，又核信稿一件。二更朗诵义山七律。三点睡，三更二点成寐。

十四日

早饭后清理文件，习字一纸。围棋二局。坐见之客二次。小睡片刻。批校元遗山七律，将其交游、名字略一疏记，以便翻阅。午刻，请陈乔森逸山及书局诸君中饭，未正散。阅本日文件。申正写对联六付、挂屏二幅。酉初课儿甥辈背书。酉正核批稿各簿。傍夕小睡。夜写刘岷庄信一页、印渠信二页，核信稿十余件。二更后诵左太冲等诗。三点睡，三更后成寐。

附记

○吴寄朱信

十五日

早間，謝絕賀望之客。飯後坐見之客三次。聞潘伊卿病重，昨日辰刻在揚州上輪船，昨夕亥刻進早西門，甫到公館，即已氣絕。在舟次昏迷已久，四肢已冷，特一息尚延，到家始屬纊耳。聞在工甚吃辛苦，近年才識俱長，物望漸隆，遽爾徂謝，深可悼惜。清理文件，習字一紙。出門至潘家吊唁，見伊卿之父已七十，其子四人、孫一人，哭泣之聲，至不忍聞。巳刻至昭忠祠看新修之花園，又至台城看从前府學地基，今擬改修武廟，即前明南雍旧址也。午刻歸。坐見之客二次。批校遺山七律。中飯後閱本日文件。昨夕略受風寒，右肩疼痛，天又郁熱，不願治事，圍棋二局。陳喬森來久談。小睡片刻。酉初課兒侄輩背書，核批稿各簿，燈後始得核畢。將陳喬枏所著《今文尚書考》翻閱數十頁。二更三點睡。

十六日

早飯後清理文件，習字一紙。劉養素來一談。天氣陰雨，寒意頗重。左肩又復疼痛，在床久睡。又坐見之客一次。午刻批校元遺山七律四頁。中飯後閱本日文件。圍棋二局。申正寫對聯七付。酉初課兒甥輩背文，核批稿各簿。傍夕睡頗久。天寒，用厚棉被覆蓋，稍覺自適。日內，三婦一女次第感冒，余亦微患傷風。夜核信稿二件。二更後朗誦姚選七言律詩。三點睡。

十七日

早飯後清理文件，習字一紙。圍棋二局。批校元遺山七律五頁。中飯後閱本日文件。小睡片刻。薛撫屏來久談。申刻寫扁、對七件。酉初課兒甥輩背書。至內室一談，諸婦病未愈。傍夕又小睡。夜核批稿簿。二更後改折稿數行。四點睡。是日陰雨，下半天雨漸大，竟夜不止，至五更則如洪濤泻瓦。今年必有水災，忧灼之至。

十七[八]日

早飯後清理文件。圍棋二局。習字一紙。見客，坐見者一次，

立见者一次。批校元遗山七律七页，午正阅毕。中饭后阅本日文件，再将遗山诗清理一过，写沅弟信一件，约四百余字。酉初作挽联，挽潘伊卿云：“还家便永诀，痛高堂七十岁 倚门倚闾，知九原定呼憾事；治水甫成功，念下河百万户，已饥已溺，拚一死永奠生民。”旋将此联写好，并写祭幛。至后园一览。是日大雨如注，竟日不息，傍夕少停。遂不复治事。夜核批稿各簿，将遗山七绝阅看数十首。二更四点睡。

十九日

早饭后，至城隍庙步祷求晴。归后见客，坐见者三次，立见者二次。清理文件，习字一纸。围棋二局。批校陆放翁诗十二页。又坐见之客一次。中饭后阅本日文件。将放翁生平踪迹略开一纸，以代年谱。莫子偓来久谈。申正写对联五付。酉初课鸿儿背书，夜间，叶甥补行背诵。傍夕至后园一览。夜核批稿各簿。二更三点睡。

廿日

早饭后清理文件。出门至城隍庙步祷。旋至潘伊卿家吊奠。归，坐见之客二次，立见者一次。习字一纸。围棋二局。又坐见之客二次。批校放翁七律、七绝七页。中饭后，吴和甫侍郎同年存义来，久谈，申正始去。阅本日文件，写对联七付。酉初三刻课儿甥辈背书。至幕府一谈，与诸幕友至后园眺览。夜核批稿各簿。因本日说话太多，不能更治事，神气自觉昏怠之至。二更三点睡。三更又雨，可虑之至。

附记

杨洪绪 金和 朱世兄

廿一日

早饭后，至城隍庙步祷。旋出城至河下拜吴和父，辰正归。清理文件，习字一纸。李方伯来一坐。批校陆诗七律、七绝凡九页。中饭后阅本日文件。围棋二局。坐见之客一次。小睡片刻。申正

写对联九付。酉初课儿甥辈背文。旋核批稿各簿。傍夕小睡。夜改复朱久香信一件，又自写何子贞信，约四千字，未毕。二更四点睡。是日未申后下雨，夜，雨尤大，自叹德薄，祈祷无灵。

廿二日

早饭后，至城隍庙步祷。旋归署，清理文件。至箭道考验武弁。习字一纸。围棋二局。见客，坐见者二次，立见者一次。阅校放翁七律、七绝七页。中饭后，吴和父来，久谈二时许，直至酉初二刻方去。余最怕久坐久谈，大为所困。课儿甥辈背诗。阅本日文件。至后园一览。傍夕小睡。夜核批稿各簿，添写何子贞信四行，始毕。出经解百余字，及诗、赋题，明日将考惜阴书院也。二更朗诵古诗。三点睡。

廿三日

早饭后，至城隍庙步祷。旋归署，清理文件，习字一纸。坐见之客一次，立见者一次。阅校放翁诗钞本十二页、刻本三卷。小睡一次。中饭后阅本日文件。围棋二局。小睡。旋阅《何子贞诗集》。惠甫来久谈。写对联六付。至后园一览。傍夕小睡。夜核批札各稿簿，核信稿二十余件，二更二点粗毕。旋温东坡七古。三点睡。

廿四日

早饭后，至城隍庙步祷。归署，见客，坐见者二次，立见者一次。清理文件，习字一纸。在竹床小睡。又坐见之客三次。阅校放翁七律、七绝，至申刻止。钞本校十二页、刻本四卷。中饭后清理本日文件。在竹床小睡。申正写对联六付。酉初课儿背书，添朱久香信二页，添应敏斋信数行。至后园一览。是日入初伏，晴明可喜，然热甚矣。傍夕小睡。夜核批稿各簿。二更后写妇女功课单。三点睡，三更后成寐。

廿五日

早饭后，至城隍庙谢神，因已畅晴也。归署，将妇幼功课单后

添四語云：“家勤則興，人勤則健；能勤能儉，永不貧賤。”清理文件，習字一紙。圍棋一局。坐見之客二次。批校放翁詩至未正，鈔本閱九頁，刻本閱二卷，亦僅七律、七絕二種，余未悉閱也。午正，坐見之客二次。中飯後閱本日文件。熱極，在竹床久睡。申正寫對聯五付，寫極大扁字八個。酉初課兒背書。酉正核批稿各簿。傍夕，至山上茅亭與幕府久談。夜，熱甚，不能治事，久睡。二更後，溫誦《詩經》，三點睡。

廿六日

早飯後清理文件，習字一紙。圍棋二局。閱李次青所作《國朝先正事略》。已正批校陸放翁七律七絕，鈔本校七頁，刻本閱三卷。中飯後再閱《先正事略》。坐見之客一次。申正寫對聯六付、扁二付。酉初課兒甥輩背文。旋核批稿各簿，未畢。至後園亭上與蔡貞齋一談。夜核批稿簿畢。溫《詩經》，微吟，不覺將《國風》、《小雅》溫畢，《大雅》溫至《生民》。二更三點睡。是日暢晴，甚熱，殊以將變為慮。

廿七日

早飯後清理文件。坐見之客二次，立見者二次。習字一紙。圍棋二局。閱《先正事略》。旋校陸詩七律七絕，鈔本校十一頁，刻本則校四卷，未正畢。中飯後閱本日文件，又閱《先正事略》。申正寫對七付。酉初課兒甥輩背書。熱甚，至後園一覽，與子密久談。夜核批稿各簿，二更後畢。倦甚。溫曹、陶五古，朗誦十餘首。三點睡。

廿八日

早飯後清理文件，習字一紙。見客，坐見者二次。閱《先正事略》。在竹床小睡。旋坐見之客二次。已正閱校放翁詩七律七絕鈔本六頁，刻本已閱廿六、七、八、九四卷。中飯後閱本日文件。圍棋二局。又小睡片刻。閱《先正事略》四篇。申正寫對聯七付、扁一幅。酉刻核批稿各簿畢，至後園小山一覽。夜，疲困殊甚，小睡，

而甚不适。二更后核一外海水师事宜批,未毕。三点睡,三更二点成寐。是日上半年微阴,午后幸又畅晴。

廿九日

早饭后清理文件,习字一纸。坐见之客三次,何廉昉谈最久。阅《先正事略》。小睡片刻。已正阅校放翁七律七绝钞本,仅校六页,刻本校卅及卅一、二、三等四卷,中饭后校毕。午正,坐见之客一次。观薛抚辰所为古文数首。未正阅本日文件。申初围棋二局。申正剃头一次。酉初课儿甥辈背书。酉正核批稿各簿,未毕。至后园一览。灯后核稿毕,旋又核复丁中丞信稿,二更二点毕。朗诵苏诗数首。三点睡。是日骤雨三次,幸俱不大,畅晴如故。傍夕天清山朗,夜间繁星满天。不料五更大雨,天又变矣。

卅日

早饭后清理文件。坐见之客三次,熊仲山同年家彦谈甚久。习字一纸。围棋二局。阅《先正事略》数篇。已正校阅放翁七律七绝,钞本校六页。刻本校卅四、五、六、七四卷,未正校毕。阅本日文件。在竹床小睡。申正写对联九付。酉初课儿甥辈背书。酉正核批稿簿,未毕。纪鸿儿又举一子,小大平安。至后园一览。未刻,周缦云来一谈。傍夕小睡。夜核批稿各簿毕。接澄、沅两弟信,知澄于五月十六日到省,乡间哥老会平安无事,不久必可来金陵相会,深以为慰。又核信稿十余件,温欧公七古数章。二更三点睡。本日骤雨数次,尚不失为晴天。

六 月

初一日

早间,谢绝贺朔之客。饭后清理文件,习字一纸。围棋二局。小睡片刻。与叶亭甥一谈。阅《先正事略》数篇。已正校阅放翁七律七绝,钞本校六页,刻本校卅八、九、四十、四十一等卷。中饭后

阅本日文件。写澄、沅弟信一件。申正写对联六付。酉初课儿甥辈背文。旋核批稿各簿，未毕。傍夕，至后园与子密一谈。夜将批稿核毕。天气郁热，不愿治事。余拟改报折稿，迁延弥月，尚未动手，颓衰甚。本日沅弟信中有“古文国手”之说，自问此生不能复有所为，颇为歉然。二更四点睡。

初二日

早饭后清理文件，习字一纸。小睡片刻。坐见之客四次。午刻，孙儿三朝，告祖行礼。校放翁七律七绝钞本仅二页、刻本三卷。中饭后阅本日文件。天气酷热，在竹床睡卧良久。申正写对联五付、挂屏四幅。酉初二刻，叶甥背书。鸿儿夜间补背。核批稿各簿，未毕。至后园一览。夜将批稿核毕，改折稿约三百字。二更四点睡。

初三日

早饭后清理文件，习字一纸。围棋二局。在竹床睡甚久。已刻校放翁七律七绝，钞本校十页，刻本校四十五、六、七、八、九、五十等卷，至中饭后校毕。阅本日文件。阅《何子贞诗集》。天气酷热，在竹床久睡。申正写对联五付、大“寿”字三幅。在室中间行，冀却暑气。核本日批稿各簿。傍夕至后园亭上乘凉，与幕府诸君久谈。夜，说话太多，困惫殊甚，久睡。二更后温《古文·气势之属》。四点睡。

附记

邱心坦 熊焕南 彭登埠 彭宗洛

初四日

早饭后清理文件，习字一纸。吴竹如来久谈。围棋二局。小睡片刻。已正，校放翁七律七绝，钞本校六页，刻本校四卷。中饭，请熊仲山同年家彦及何廉昉、薛抚屏小宴，申初散。阅本日文件。天气酷热，不能治事，在竹床小睡。酉初课儿甥背书。旋核批稿各簿毕。至后园亭上久坐，与蔡贞斋一谈。夜饭后，又独至山亭小

睡。二更后入室，三點后睡，熱極，不甚成寐。

初五日

早飯后清理文件。見客二次，談頗久，衙門期也。習字一紙。圍棋二局。小睡片刻。已正閱校放翁七律七絕，鈔本校四頁，刻本校五十五、六、七、八等卷。中飯后閱本日文件。彭雪琴來久談，酉初始去，課兒甥輩背書。旋核批稿各簿，未畢。傍夕至後園山上乘涼，與趙惠甫久談。夜將批稿核畢。熱甚，不願治事，小睡片刻。二更后溫《古文·序跋類》。三點睡。天氣酷暑，竟夕不甚成寐。

初六日

早飯后清理文件，習字一紙。至湖南會館與雪琴一會，因館中死人，累次議者謂宜修改也。雪琴旋隨余至署。又會客二次，洪琴西、莫子偲談最久。寫家信一件。酷熱如蒸，僅寫二頁，因日記極詳也。留雪琴中飯。飯后，席地乘涼。客去，閱本日文件。至內室套間稍涼，小睡片刻。申正補校放翁七律七絕，鈔本校三頁，刻本校五十五、六、七三卷。酉初，課兒輩背書。旋核批稿簿，未畢。傍夕至後園山上乘涼。夜將批稿核畢，又核信稿數件。二更后朗誦李、杜七古詩。三點睡。

初七日

早飯后清理文件。出門至河下拜雪琴。歸署，習字一紙。立見之客二次，坐見者一次。陳虎臣來，談甚久。雪琴來辭行。小睡片刻。校放翁七律七絕，鈔本校四頁，刻本〈校〉六十二、三、四、五等卷，未正校畢。中飯后閱本日文件。至內室陰涼處久睡。酉初課兒甥輩背書。旋核批稿各簿，未畢。至後園亭上與錢子密久談。夜將稿簿核畢。二更后溫韓、白七古。三點睡。

初八日

早飯后清理文件。坐見之客三次。習字一紙。圍棋一局。伍嵩生編修來，嚮談。小睡片刻。已正閱放翁七律七絕鈔本五頁，刻本六十六、七、八、九等卷，中飯后畢。閱本日文件。酷暑不能治

事，至内室套间乘凉，久睡。申正出，微一治事，旋又小睡。酉正核批稿簿，未毕。傍夕至园亭久坐。夜将批稿核毕，又核信稿。二更后温《赤壁赋》。四点睡。

初九日

早饭后清理文件，习字一纸。坐见之客二次。出门至汉西门河下看新钉之领江船，旋看莫愁湖。回署后，围棋二局。小睡片刻。午初校放翁七律七绝七十、七十一卷。中饭后又校七十二卷。阅本日文件。酷热，实不能堪，小睡片刻。申正改信稿，未毕。坐见之客一次。酉初课儿甥辈背书。旋核批稿簿毕。傍夕至园亭久坐。夜核信稿二件，约改四百字。二更后倦甚，不能治事。四点睡。

初十日

早饭后，坐见之客二次。清理文件，习字一纸。围棋二局。小睡片刻。阅校放翁七律七绝钞本五页，刻本七十三、四、五、六、七卷，至未正毕。中饭后阅本日文件。是日酷热，不克治事。未刻食西瓜。久睡。至酉初二刻方起。课儿甥辈背书。旋核批稿簿，灯下始核毕，又核信稿一件。二更四点睡，幸尚成寐。

十一日

早饭后清理文件。立见之客二次，坐见者二次。习字一纸。围棋二局。伍嵩生来久坐。旋校陆放翁七律七绝钞本六页，刻本七十八、九、八十、八十一、二等五卷，至未刻毕。中饭后阅本日文件。酷暑异常，不愿治事，至内室久睡，郁燥不能成寐。酉初课儿甥辈背书。旋核批稿，未毕。酷热多汗，至后园山上乘凉。夜核批稿毕。阅陈广敷所批《史记》数首，及所录朱子、陆象山、王阳明语。是日寄书四种于沅弟，均稍难购觅者，又配以笔墨信箋之属，写信一页。二更三点睡。是夜大雨如注，稍解炎热之气。

十二日

是日为先妣江太夫人忌辰，未设祭席。早饭后，坐见之客二

次，立見者一次。清理文件，習字一紙。圍棋二局。小睡片刻。坐見之客一次。閱放翁七律七絕鈔本四頁，刻本八十三、四、五卷，《放翁全集》閱畢。余于咸豐元年在京粗閱《放翁集》一過，僅鈔七律。同治元年在安慶粗閱一過，僅鈔七絕。其于五古、七古、五律、五絕等體，不過涉獵一二而已。此次校七律、七絕兩體，于各體仍未細閱，殊以為愧。中飯後，將《陸集》略數每卷每體若干首。閱本日文件。熱甚，至內室久睡。酉初課兒甥輩背書。旋核批稿各簿。至後園山上乘涼。夜核改折稿一件。二更後，溫東坡七古。三點睡。

十三日

早飯後，出門至吳竹如、李小湖兩處久談，已正歸。清理文件，習字一紙。見客一次。又將《陸集》前十六卷數明若干首，略考某卷為某年所作，至申刻粗畢。中飯後，熱甚。閱本日文件。申初，久睡。酉正核批稿各簿。傍夕至山上茅亭乘涼。夜核折一件、片二件。二更後溫《古文·識度之屬》。三點睡。

十四日

早飯後清理文件，習字一紙。陳心泉來，坐甚久。圍棋二局。又坐見之客一次。將陸詩再數十餘卷。中飯後，又命紀澤數十餘卷，約計不足九千一百首。余所鈔者，七律五百三十四首、七絕六百四十三首，約八分之一耳。未刻閱本日文件。旋閱《指月錄》十餘頁。在竹床小睡。酉初課兒甥背書。旋核批稿簿，未畢。傍夕至園亭與子密一談。夜核批稿畢，朗誦《書經》數篇。二更三點睡。

十五日

早，謝絕賀望之客。清理文件，習字一紙。圍棋二局。汪梅梅衍一梅字村來久坐。小睡片刻。將放翁詩中應行補抄者逐注于上，凡二十四首，《陸集》粗治一過畢。中飯後閱本日文件。酷熱，不愿治事，至內室久睡。多食西瓜。酉初課兒背書，叶甥于夜間補背。旋核批稿簿。未畢。傍夕至後園乘涼，與渠侄久談。夜核批稿簿，

又核折稿一件、片稿二件。二更后温《古文·序跋类》，朗诵数首。二更四点睡。

十六日

早饭后清理文件。坐见之客三次，立见者一次。习字一纸。围棋二局。又坐见之客一次。小睡片刻。已正阅《五礼通考》中《宗庙制度》首卷廿七页。中饭后阅本日文件，写沅弟信一封。热甚，汗下如雨。至上房久睡，不能成寐。酉初课儿甥辈背书。旋核批稿簿，未毕。至后园乘凉，与渠侄一谈。夜将批稿核毕，又核信稿数件。二更后温《古文·辞赋类》。三点睡。三更后凉甚，似有秋意。

十七日

早饭后清理文件。坐见之客二次。习字一纸。围棋二局。小睡片刻。阅秦文恭所辑《宗庙制度》二十页。午正二刻请伍嵩生便宴，雨亭等陪之，申初散。阅本日文件。酷暑异常，有流金烁石之象。至内室小睡。申正核信稿二件，添黄恕皆信二页。酉刻课儿甥辈背书。酉正至后园乘凉。多食西瓜。夜核批稿各簿。二更始吃夜饭。旋核信稿一件，温曹子建诗数首。四点睡。

十八日

早饭后，雪琴来谈。饭后，与渠同拜万寿本章。旋至箭道考阅二员。清理文件，习字一纸。立见之客二次。小睡片刻。与雪琴久谈。已正二刻送渠去后，阅秦书《宗庙制度》十页。午刻，熊仲山来一谈。中饭后阅本日文件。酷热不能治事，至内室久睡，申正起。核信稿二件，约改四百余字。多食西瓜。酉正核批稿簿。傍晚至后园乘凉。夜再核信稿一件，二更温杜诗五古。四点睡。

十九日

早饭后写对联八付。见客一次。清理文件。围棋二局。坐见之客二次。小睡片刻。阅《宗庙制度》卷十八页，《雉》、《鹑》等一卷十页。中饭后阅本日文件。酷暑如焚，至内室久睡，申正出。核丁

雨生信稿。酉初课儿甥辈背书。旋再核信稿。傍夕剃头一次。灯后夜饭。至后园乘凉。又核丁信稿，二更后半，约改五百字。折弁自京归，接阅京信各件。四点睡。是日立秋，奇热，不甚成寐。

廿日

早饭后清理文件。坐见之客三次。习字一纸。围棋二局。小睡片刻。又坐见之客一次。阅秦书《盟诅衅礼》廿三页。中饭后阅本日文件。立见之客一次。至上房久睡，因内室有风扇，可略避暑也。酉初课儿甥辈背书。旋核批稿簿毕。傍夕至后园乘凉。夜，分“气势”、“识度”、“情韵”、“机趣”、“工律”五者，选钞各体诗，将曹、阮二家选毕。二更四点睡，暑气稍减。四更尽微雨。

廿一日

早饭后清理文件。坐见之客一次。立见者二次。习字一纸。围棋二局。至内室小睡。自辰至未，雨不歇，天气阴凉宜人。阅秦书《宗庙制度》二十七页。中饭后阅本日文件，将日内所阅《五礼通考》四卷，题识于书之面。至幕府久谈，近天热，久未与幕府一叙也。酉初课儿甥辈背文。旋核批稿各簿，未毕。傍夕小睡。夜将批稿核毕，核陈舫仙信一封，约改四百字。二更二点后温李、杜七古，朗诵十余首。四点睡。

廿二日

早饭后清理文件，方伯雄来久坐。又坐见之客一次，立见者一次。习字一纸。至内室小睡片刻。已正阅《五礼通考》中《宗庙制度》一卷二十七页。中饭后，酌加批识。阅本日文件。小睡片刻。观《阅微草堂笔记》数页。酉刻课儿甥辈背书。旋核批稿各簿，未毕。傍夕，至后园山上与渠侄久谈。夜将批稿核毕。申刻写陈舫仙信二页。二更后温陶、谢诗，约选一过。四点睡。是日天晴，而暑气骤退，夜有凉意。

廿三日

早饭后清理文件，习字一纸。围棋二局。坐见之客一次。小